

B R A B A N T I A.

tos xxxii dabunt, pedes xlviij. quanto hic Goliatho celsior? quem scriptura teste scimus sex tantum cubitorum & palmi unius fuisse, pedum nimirum ix, & palmi unius. Est & aliud quid in Gigante nostro non minus portentosum. Dens ille, quem ad fidem faciendam ostentant, sedecim uncias appendet: cum interim dens viri maximus nunquam aut raro drachmam attingat, aut excedat: singulæ autem unciae cum octo constent drachmis, necessum fuerit Gigantis nostri dentem, i28 drachmas appendisse. Iam si à mole dentis, ad reliquum corpus transeamus; cum in viro sex pedum dens maximus drachmæ sit unius, quantum arbitrabimur Gigantem nostrum, in quo dens unus drachmas pendet centum viginti octo? &c. Et postea: Iam quid potuit ad omnem fabulâ explendam reperiri accommodatus? Brabonem Cœsaris collegam, Alcidem novum, Druonis nostri, (id nomen Giganti) redivivi Erycis, manum præsidisse: & tam nobile collega sui factum aut ignorasse Cœarem, aut preßisse silentio, qui non tacuerit Sextum Baculum, C. Volusenum, T. Pulfionem, L. Varennum, plureque inferioris nota d' operis.

Sita est Anwerpia in egregia quadam lateque diffusa planicie; ad dextram Scaldis ripam, eo loci ubi id flumen, superbo cursu ad Caurum tendens, Ducatum Brabantiae à Flandriæ Comitatu discernit, latissimum simul atque adeo profundum, ut quantumlibet magnæ naves, inde ab ipso mari possint appellere usque ad portum & geranum ipsum urbis, vulgo *de Werf*, ubi ingeniosa illa machina quæ Belgice *de Kran* audit, qui mrlabili facilitate onerantur & exonerantur naves. Octo præcipui sinus sive canales ex Scaldi urbem intrant, per quos naves vectoriæ, actuariæ, aliaque id genus in civium usus onusta naviculae subeunt. Fora habet viginti duo, quorum maximum Senatorum, pulcherimum mercatorum, vulgo *de Borse*. Inter quinquaginta circiter tempora, monasteria, nosocomia, aliaque pietati dicata loca, eminent Cathedrale Deiparæ Virginis, amplissimum juxta ac sumptuosum, splendide excultum & spectabili turri illustre. Primus urbis Episcopus anno 1567 fuit M. Franciscus Sonnius, alter Lævinus Torrentius Gandavensis, cui successit Iohannes Miræus Bruxellensis, patruus Auberti Miræi, bonæ rem. Dignissimi ejusdem Eccles. Cathedralis Decani, hunc secutus Iohannes Malderus, eruditione simul & pietate illustris. Huic successit Gaspar Nemius.

Ante aliquot annos Patres S. I. exstruxere templum illud ex marmore candido, ornatum picturis Cl. V. Petri Pauli Rubenii, Archiducis Alberti nuper Consiliarii, pictoris celeberrimi.

Iam olim non tantum urbs Imperialis, sed & Marchionatus Sacri Imperii caput est, unde plurimis fruitur privilegiis, nec quidquam propterea pendit, ut quæ pro meritis se ab illa subje<sup>c</sup>tione exemerit. Quatenus unum è quatuor terræ Brabantiae quadrantibus caput est, subditas sibi habet Bergezomium, Bredam, Liram, Herentalium, Stenobergam, aliaque oppidula quædam & pagos; quorum pars in civilibus Antwerpiam prius quam Cancellariam appellat, & in aliis etiam rebus urbi subiecta est.

Buscumducis ad Desam, Dommelam, & Aam *Silva du-*  
*ces.* fluviolos situm, oppidum est amplum, situ suo, paludibus, & arte adeo munitum, ut expugnabile etiamnum crederetur, ni anno 1629 vi expugnasset Fredericus Henricus Princeps Au-riacus. Conficitur in hac urbe innumerabilis optimi temperamenti cultrorum numerus & incredibilis acicularum multitudo, plurimi panni è lana, & ingens linteorum vis. Sede Episcopali splendida, cui dignitati præfuit Ophovius, vir summa probitate & religione laudabilis. Templum Cathedrale D. Iohanni consecratum splendidum satis & sumtuosum. Postremum autem inter primarias urbes locum tenet quadranti suo quatuor regiones subiectas habens, Campaniam nempe vulgo de Kempen, Pelandiam, Maeslandiam & districtum Ostrevicum. Inter reliqua Brabantiae oppida eminent *Vrbes mi-*  
*nores.* Arschotum Ducatus, & Bergezomium, Mar- chionatus dignitate à Carolo V, Imperatore ornata. Hoogstrata & Mega, Comitatus prærogativa insignes, Breda & Diesthemium Baroniatus titulo gaudent.

Nec postremi loci est Trajectum ad Mosam, à fluminis trajectu dictum. Vrbs solo ampla, antiqua, probe munita, pulchris & crebris adiunctis densa. Duo in ea potissimum tempora, quorum alterum ipso rege, qua duce Brabantiae, gaudet Canonico, Divo Servatio, qui populos istos primum ad fidem Christianam convertit, primusque hic egit Antistitem, alterum D. Virginis dedicatum est.

Reliquarum urbium Brabantiae descriptio- nes apud Guicciardinum, aliosque quare.